

誠齋詩集卷四

廬陵楊萬里廷秀著 吳江徐達源山民氏校

荆谿集

寒夜無睡聞畫角孤雁

畫角聲從枕底鳴
愁霜怨月不堪聽
擁裯起坐何人伴
只有殘燈半暈青

梅邊玉館月邊橫
吹落銀河與曉星
城裏萬家多睡著
孤鴻叫我起來聽

晴望

愁於望處一時銷
山亦霜前分外高
枸杞一叢渾落盡

只殘紅乳似櫻桃

豫章王集大成惠我思古人實獲我心八詩謝
以五字

孤嗜難眾悅今聽非昔弦美人西山秀茹蕨飲澗泉雪
衰韞明月冰掉刺野船寶稜不掩遠球聲忽復珊聞者
已瞠若嚙之諒悠然良瓌彼何憎擊缶俗所僂我老詎
能聰妙音誤至前古人子所思而我豈古賢借不滿子
賞能不聊子歎故家富彥士梧竹映芝蘭紫餘乃祖橐
朱徧羣從輻迅趾豈地行逸翎當雲騫勗哉搏羊角何
必懷西山

不寐聽雨

雨到中宵宗不鳴只聞風拂樹梢輕
瓦溝收拾殘零水
并作簷間一滴聲

送張元直尉鹽官

溧水孟東野南昌梅子眞平生一少府
千載兩高人
白馬松梢寺朱旂雪外春
邨行如得句寄我大江濱

夜雨獨覺

枕上還鄉枕上回
更更點點把人催
雨將苔砌滴到曉
風揀荻簾疎處來
每到彫年每多感
不教睡眼不曾開
來宵我識華胥路
莫近茶甌近酒杯

詠薤

庾郎晚菘翡翠茸金城土酥玉雪容如何俱墮瑤甕中
卻與醢雞同闕宮金井銀牀水清泚雪山冰谷鹽輕脆
秋風一葉釀得成字曰受辛非麴生太學儒生朝復莫
茹冷啜寒那可度十年雪汁凍蔬腸一夜飢雷聽更鼓
不如甕頭吏部甕頭醒一逢受辛還一醒畢卓與爾同
歿生

鱖醬

忽有瓶罍至捲將江海來元霜凍龜殼紅霧染珠胎魚
鮓兼鰕鮓奴才更婢才平章堪一飯斷送更三杯

池水

池底枯荷瘦不勝池冰新琢玉壺凝如何畱到炎蒸日
上有荷花下有冰

節日新晴歸自天慶

初日明雁腹酸風迎馬頭如何一雨過添卻滿城秋樓
觀色俱喜槐榆影獨愁節中公事少吏散得吾休

城上野步用轆轤體

初勁無遺暖晴行失老懷葉飛楓骨立萍盡沼奩開路
好仍回首泥殘敢放鞋登臨不須盡畱眼要重來

揆梅

小外未就流離來際際人非如昨

春傷梅梢瘦處回小花未忍折將來卻緣久住成幽事
剩看南枝一度開

和王司法雨中惠詩

繩憐法曹三尺喙不辦太倉五升米胡奴舂送今宗然
公路如何令至此春花秋月平首詩一字不曾堪療飢
黃獨已空鑊底用玉徽凍脫琴爲炊竈鬼偏隨天下土
膏結柳車君但試不應滿腹貯六奇豈有逐貧無一計
詩中哀怨海樣深青燈搔首夜沈沈一尊往慰風雨晚
莫管帶圍寬幾眼

惠泉酒熟

敲冰汲山泉炊玉釀霜醅忽然油成泓失卻瓊作堆抱
甕輪竹渠挈瓶注銀杯銀杯不解飲傾瀉入我懷酒聖
凡五傳道統到吾儕誰云孟氏醇軻歿不傳來醉鄉天
張幕糟邱麴爲臺吾欲往相宅今夕未擬回

晝倦

凌日曛人欲睡昏白勻嫩火炷爐薰蜘蛛已去惟存網
猶罨窗閒一隻蚊

戲題水墨山水屏

權郎大似半邊蠅摘蕙爲船新艸穉今夜不知何處泊
浪頭正與嶺頭平

以糟蟹洞庭柑送丁端叔端叔有詩因和其韻
斗州只解寄鵝毛鼎肉何曾饋百牢驅使木奴供露顆
催科郭索獻霜螯鄉封萬戶只名醉天作一邱多是糟
卻被新詩太清絕喚將雪虐更風饕

凍蠅

隔窗偶見負暄蠅雙腳按掌弄曉晴日影欲移先會得
忽然飛落別窗聲

壕上書事

十里長壕展碧波痕只去不曾歸鷺鷥已飽渾無幹
獨立朝陽理雪衣

朝飯罷登淨遠亭

近水孤亭迥紫城一徑斜霜林烏鵲國冰岸鷺鷥家殊
覺東曦暖還拈小扇遮傳呼惠山水來淪建谿茶

冬至日歸自天慶觀

迥曉清寒未苦嚴輕霜隨分點茅簷霧中失卻谿邊寺
不見浮屠只見尖

籓裏人家笑語饒日高猶自燭花交霜林遮眼八九葉
露竹出牆三四梢

蠟梅

蜜蜂底物是生涯花作餽糧蠟作家歲晚略無花可采

御將香燭世成花

江梅珍重雪衣裳薄相紅梅學杏裝渠獨小參黃面老
額閒豔豔發金光

苦寒

畏暑長思雪繞身苦寒卻願柳回春晚來斜日無多暖
映著西窗亦可人

添盡紅爐著盡衣一杯方覺暖如癡人言霜後寒無奈
春狂藥中渠不知

送可牧仲新除奉常寺簿入朝

帝念潛龍雪邸臣寵光玉樹照青春家藏履舄星辰舊

天借旂常日月新從此雲霄君穩步向來鵝鷺我曾鄰
曲臺簿正多廊廟西府璇樞是一人

今樞密錢公
常爲奉常簿

贈節推學士

奏篇驚倒漢廷臣一眼元無四海人天下無雙鄴小鄒
雒陽年少是前身雲鵬飛上偏嫌早霧豹深藏更幾春
寬作十年相見著剩將風雪試松筠

懷古堂前小梅漸開

梅邊春意未全回淡日微風暗裏催近水數株殊好在
一梢雙朵忽齊開生愁落去輕輕折不怕清寒得得來
腸斷故園千樹雪大江西處亂雲堆

隨意行穿翠篠林
暗香撩我獨關心
遙看小朵不勝好
忝近寒梢無處尋
未吐誰知膚底雪
半開猶護藥頭金
老來嬾去渾無緒
奈此南枝索茗吟
絕豔元非著粉團
眞香亦不在鬚端
何曾天上冰玉質
卻怕人間霜雪寒
枝似去年仍轉瘦
花於來歲定誰看
老夫官老梅應熟
齒軟猶禁半點酸
揀得疎花折得回
銀瓶冰水養教開
忽然燈下數枝影
喚作窗閒一樹梅
歲律又殘還見在
我頭白白不須催
相看姑置人閒事
隨玉簷香曠一杯

和趙鼎輔府判投贈賀雪之句

登城放日雪光中萬水千山一色同
暹曉月華猶在地
未春柳絮已隨風忽傳別駕贈佳句
道是頻年當屢豐
撚斷冰鬚愁寡和
玉花飛繞正濛濛

觀雪

銀屋瑤階頃刻成
緩飄急酒總無聲
屑雲作粉如何涿
瑤玉爲花乃爾輕
空裏仰看元不見
日光未透不妨晴
滿庭更遣遲銷著
剩借書窗幾夜明

坐着淡來尺許強
偏於薄莫發寒光
半空舞倦居然嬾
一點風來特地忙
落盡瓊花天不惜
封它梅蘂玉無香
倩誰細撚成湯餅
換卻人間煙火腸

和吳寺丞喜雪

珠唾銀鉤贈一通也如密雪墮寒空飛來數片不需袖
剪出六花全是風骨冷魂清殘醉裏日光玉潔晚晴中
先生秀句今無敵誰送相如奏舜瞳

雪晴

銀色三千界瑤林一萬重新晴天嫩綠落照雪輕紅兒
少敲冰柱身清墮藥宮何須師鮑謝詩在玉虛中

雪凍未解散策郡圃

積雪偏工霽後凝不妨冷極不妨清靜聞簷滴元無雨
倒挂冰牙未怕晴獨往獨來銀粟地一行一步玉沙聲

園中散策饒君強敢犯霜風上古城

寒雀

百千寒雀下空庭小集梅梢話晚晴特地作團喧殺我
忽然驚嫩索無聲

雪夜候迎使客

去花不敷一塵生晴後猶餘十日凝新月未光輪與雪
夜風儘冷只畱冰候迎銀漢槎頭客挑盡玉蟲窗下燈
紙帳蒲團地爐暖自憐不及艸庵僧

使客不至夜歸獨酌

使客夜不至還舍欣小歇杯盤只草草足可相煖熱庭

前雪夜明道是簾外月及見盤中酥喚作庭前雪

謝葉叔羽總領惠雙淮白魚

寶奩寡貢笑權臣筠掩分甘荷故人天下眾鱗誰出右
淮南雙玉忽嘗新未知丙穴果何似只恐子魚無此珍
敢遣腹腴勸年少一杯端合壽吾親

情知此味飲中瓊暖律何緣到歿灰去歲海紅猶閒識
今年淮白不曾來一寒尚有綈袍贈雙鯉仍隨尺素回
厚祿故人書盡絕只餘計相解相哀

送客歸登淨遠亭

犯寒送客只勞神上到危亭眼頓新雪汁滴人清入髓

莫將衫袖障頭巾

池冰動處水生瀾未覺今朝底
寒便恐雪銷難再得
不辭鞋溼數來看

十一月二十八日雪至十二月十一日日色方

暖積雪始融

日華今日始微暄次第梅花暖
更妍只有樹陰偏得意
占它殘雪不還天

釋子弄冰

釋子金盆脫曉冰綵絲穿取當
銀鉦敲成玉磬穿林響
忽作玻璃碎地聲